

Letsatsi la Keresemese

Sesotho

Badikazi Gumpe



Letsatsi la Keresemese

E ngotswe ke Badikazi Gumpe
Motaki wa ditshwantsho ke Ntibile Zonke



E fetoletswa ke Mpho Ntaka



Ke letsatsi le monate le tjhesang motsaneng wa Mhlophekazi ka Engcobo, Kapa Botjhabela. Bella le metswalle ya hae e mmedi eleng Linda le Nomsa ba tla keteka letsatsi la tswalo ya Morena e leng yona Keresemese hammoho. Ba ne ba hlophisitse ho shebella papadi tse pedi tsa bolo ya matsoho le ho bapala dipapadi tse ding le banana ba bang.




Bashanyana le banana ba ne ba ile ho bapala
dipapadi tsa ho tshwantshisa letsatsi la tswalo
ya Morena.

Ba ne ba tlo apara diaparo tse loketseng
papadi ena tse entsweng ka masela a masweu.



Ha re yeng kerekeng banana re yo shebella dipapadi le ho papadi ya bolo ya matshoho. Banana ba bang ba re emetse ho rialo Bella ho metswalle ya hae. Mme o ntheketse mose o mokgubedu o motle, dieta tse tshweu le lente le lekgubedu hore ke tle ke tlame moriri wa ka. Bella o bolella metswalle ya hae mme o bonahala a thabile haholo.



Linda wena mme wa hao o o reketse eng bakeng sa Keresemese? Ho botsa Bella a tsheha. Nna Mme o ile a nthekele mose o mosehla o motle le dieta tse tshweu. Ho rialo Linda ka thabo. Ke thabile haholo hore ebe Mme wa ka o nthekelese diaparo tse ntle. Ke rata Mme waka mme le yena o a nthata.

Nomsa, ke hobaneng o apere diaparo tsa kgale? Ho botsa Bella. Naa Mme wa hao ha a o rekela diaparo tse ntjha?
Haa! Ke ne ke tla lla haeba Mme a sa nthekelela diaparo tse ntjha.
Ho rialo Bella a shebahala a maketse.



Mahlo a Nomsa tlala meokgo. Se ke wa Ila
Nomsa. Ho rialo Bella a mo thodisa le ho
motshedisa. Mme wa hao o tla o rekela diaparo
tse ntle selemong se tlang.

Le wena o tla thaba mme o natefelwe ke
letsatsi la Keresemese jwaloka rona.

Na ha ho jwalo Nomsa? Bella a botsa Nomsa.





Mme o ile a nthekele mokotla o motle bakeng sa dibuka le dieta tsa sekolo. Ke thabile haholo. Hape ke rata mme haholo. Ho rialo Nomsa a shebile Bella a bososela ka thabo.

Motho e mong le e mong o rata letsatsi lena la Keresemese hobane ke letsatsi le monate haholo. Ke letsatsi leo Morena Jesu Kreste a tswetsweng ka lona. Letsatsi lena ke le bohlokwa mme kamehla re ja dijo tse ngata tse ikgethang.



Ahaa ! Ke mona re tlile ebile re fihlile Kerekeng,
re tliilo ja dijo tse monate, dipompong le kuku.
Re tlo bapala dipapadi tse thabisang le banana
ba bang mme re nyakalle kaofela.
Shebang banana! Shebang sefate sa
Keresemese. Se setle haholo ebile se na le
mekgabiso ya mebalabala.



Bonang hlee! Ho na le dimpho mme di phuthetswe ka dipampiri tse benyang tse bileng di na le dipalesa le mengolo e metle ya Keresemese. Mhmmm !ke ipotsa hore re tlo fumana dimpho tse jwang ho tswa sefateng seo sa Keresemese.



Tlohong, le tlo bona mpho ya ka jwale.
Ke mohala wa thekeng.
Ke tlilo letsetsa Mme wa ka, Bobo le Lolo ho
rialo Linda a thabile haholo.
Re bontshe hore ya hao mpho ke eng Nomsa,
ebe o fumane eng?
Heelang boo! Ke fumane popi ya bere e
tsebang ho bua, ho tsheha le ho bala ho fihla
ho mashome a mahlano.



Re bolelle hee hore o fumane eng wena Bella?
Ke fumane pakete ya dikuku. Bella o ne a
utlwahala a nyahame mme a sa thaba jwaloka
metswalle ya hae.

Ke lakatsa eka nka boela ka fumana mpho e
nngwe. Ke rata popo ena ya bere e kgonang ho
bua, le ho tsheha le ho bala ho fihla ho 50.



Re ilo ja dijo tse monate tse kang dikuku,
mafatshe-thothomela le disalate.
Mhmmm ! Ka nnete letsatsi la Keresemese le
monate haholo.
Bomme ba rona ba re rekela diaparo tse ntle
tseo re tla di apara ka letsatsi la Keresemese
hammoho le dibapadiswa tse ntle.

Ha ke fihla hae ke ilo letsetsa Bobo le Lolo ho rialo Linda a bososela. Ha ke fihla hae ke ilo bapala ka popo ya ka ya bere ho rialo Nomsa le yena a bososela.

Ha ke fihla hae ke tla ja pakete ena ya dikuku ya ka ho rialo Bella a utlwahala a utlwile bohloko.



Leha ho le jwalo o na le tshepo ya hore selemo se tlang e tla ba selemo sa hae jwaloka bana ba bang.



Re rata boMme ba rona ho rialo Nomsa hobane
ba re rekela diaparo, dimpho tse ntle ebile ba
re phehela le dijo tse monate.

Selemong se tlang bohle re tlameha ho apara
diaparo tse ntjha mme re be le dimpho tse
ngata tseo re ka di arolelanang.



DITEBOHO

E ngotswe ke

Badikazi Gumpe

Motaki wa ditshwantsho ke

Ntibile Zonke

Mohlophisi 1

Notozi Mgobozi

Mohlophisi 2

Ntombikayise Njadayi

Mohlophisi 3

Nelisa Mviko

Mohlophisi 4

Nopasika Xapa

Moqapi

PixelPing Design

Mofetoledi

Mpho Ntaka

Mosireletsi wa Boleng

Matebogo Makhutle



ISBN 978-0-638-00689-6



basic education
Department:
Basic Education
REPUBLIC OF SOUTH AFRICA

